



UNIVERSITÄTS-
BIBLIOTHEK
PADERBORN

Universitätsbibliothek Paderborn

VITA || D. MARIÆ VIR-||GINIS DEIQVE GE-||NITRICIS.||

Goppelsrieder, Andreas


Ingolstadii, 1592

VD16 G 2663

Capvt XIIIX. De Peregrinationibus ad loca sacra D. Virgini, & de eiusdem
sodalitijs.

urn:nbn:de:hbz:466:1-45013

rum colligeret pignorum, inuenit super carbones accensos illæsas iacere reliquias, ipsumque linteum, quo inuolutæ erant, ita admiratur integrum, vt non putaretur prunis iniectum, sed ex aquis collectum, collegitque cuncta cū gaudio, & in Gallias peruenit incolumis.



CAPVT XIX.

DE PEREGRINATIONIBUS AD LOCA SACRA D. VIRGINI, & DE EIUSDDEM SODALITIBUS.



AD certa loca & sacrosancta Virgini dicata templa religionis ergo decurrere, nihil habet criminis. Etenim vsu experientiaq; exploratum habemus, opportuno tempore misericordem Dominum per benedictæ Matris merita, hic illic, non alibi, ad casus nostros ac pericula tam corporis quam animæ

animæ firmissima sæpe & sæpius præ-
sidia offerre. An ergo cum Deus ipse
quasi edita voce, vel commodi tempo-
ralis spiritualisue emolumenti fructu,
vel calamitatis depulsione ad peregrin-
nādum inuitet, vt sibi deesse velint ho-
mines merito postulant sectarij? An nō
vel ipse tabulæ, quæ in varijs Deiparæ
templis tanquam acceptæ monumen-
ta salutis, pendent, aperte loquuntur,
quam vtilis & salutare sint peregrina-
tiones ad templa D. Virginis.

*Certe equidem tota pendentes a de-
tabellas*

*Adspicio, quæ te miseris præsto esse
loquuntur,*

*Hic te animo spectans, torrente vi-
scera febrim*

*Depulit, ille hyadas tristes, hædumq;
cadentem*

*Spectauit tutus, verrentibus æquo-
ra ventis,*

*Et duce te patrias enauit saluus ad
oras.*

*Criminis ille reus falsi, sub iudice
duro,*

Dum

*Dum mortem expectat, tenebroso
carcere clausus,*

*Munere Diua tuo detecta fraude,
reuisit*

*Vxorem et natos exoptatumq; parē-
tem.*

Vt canit Muretus verissime simul & elegantissime de domo Lauretana. Sed Hæretici aures habent, & non audiūt; Simulque solenne illud suum ingerunt: non esse credendum huiusmodi miraculis quippe falsis & fictitijs. Huc enim confugiunt isti præposteri, qui lucem vocant tenebras, & tenebras lucem, Sed quis nisi tribus Anticyris caput insanabile habēs, rebus tam testatis, tam planis & perspicuis fidem abroget?

Ecquis autem eos ferat, qui quasi nihil diuinorum operum ita obstructum & obductum esse velint, aut Deum ab ipsis tanquam honorarijs arbitris præcepta agendi accipere oporteat, finem sciscitandi vix faciunt, cur benedicendus in omni loco dominationis, suæ bonitatis diuitias largius & copiosius effundat, cur qui non procul abest ab unoquoque nostrum (ipsius enim ge-
nus

Actor, 17. nus fumus, & in ipso mouemur, uiui-
mus, & fumus.) vno magis quam alio
loco suæ potentia opera manifestet.
Quis enim, ait non in dissimili argu-
mento D. Augustin. potest perscrutari,
quare in alijs locis hæc miracula fiant,
in alijs non fiant? In cœlum ergo curi-
osi isti homines, si possunt, auolent, ab
eoque qui omnia in mensura & nume-
ro & pondere disposuit, causas perue-
stigent. At enim pijs & simplicibus non
est necessarium quæ abscondita sunt vi-
dere oculis suis. *Plurima enim supra-*

Epist. 137.
ad pop.
Hipp.

Ecclesiast. 3.

sensum ostensa sunt homini, vt inquit
scriptura.

Vrit tandē & illud Hæreticos, quod
ex his, qui Mariæ cœli terræque Regi-
næ pij esse velint cultores, sub augustis-
simo sacratissimæ Virginis nomine, cœ-
tus aut sodalitiū quoddam, diuini
cultus, laudis Virgineæ, salutisque pro-
priae amore ac desiderio, pie constitu-
atur. Verum sanniones illos, qui cum
in Ecclesia habitare in vnum cum fra-
tribus nollent, sequentes Lutherum,
aut Caluinum, segregauerunt semet-
ipfos, Christoque cum Matre dimisso,

in via Cain, & in contradictione Core
bierunt, non moramur; cum vnitatē
Spiritus & morum in vinculo pacis,
Deo eiusque Matri, quæ salutis nostræ
cœlestis est præses & custos, placere sci-
amus; quibus quisquis sese in agone
probat, ei bene erit in extremis, & in
die defunctionis suæ benedicetur; con-
fundetur autem & conuertentur retror-
sum omnes qui oderunt Sion. Qui-
cunque honorificauerit me, glorifica-
bo eum; ait Deus 1. Reg. 2. qui autem
contemnunt me erunt ignobiles. Idem
omnino contigit & continget cultori-
bus & contemptoribus D. Virginis. Illi
à B. Virgine exaltantur & varijs donis
exornantur; vt demonstrant exempla
superius commemorata: Isti, iusto Dei
iudicio ignobiles & contempti fiunt;
quid enim Nestorio nunc abiectius,
quid vilius? qui audaciam & petulan-
tiam, qua D. Virginem impugnavit
adeo non impune tulit, vt à toto Con-
cilio Ephesino anathematizatus diris-
que deuotus fuerit; Ab Imperatore
quoque Theodosio in exilium actus &
Episcopatu Constantinopolitano spo-

Q lia-

liatus, in exilio vitam misere finijt. Sed & blasphemam eius linguam corroserunt vermes, & si non corpus, nefandæ nouæ impietatis organum, à terra dehiscente absorptum, certe anima eius ad inferos vsque detrusa, meritis blasphemix pœnas luit, quod de illo cum alij, tum Nicephorus lib 14. c. 36. scribit.

Constantinus Copronymus Imperator adeo in D. Virginem procax & iniuriosus fuit, vt illius honori publice detraheret, eamque tam imbecillam esse diceret, vt nulli mortalium opitulari possit. Quid præmij retulit ex hac sua vesania? Cum iam Deo hominibusque esset inuisus, sub tempus mortis pedes eius inuaserunt carbunculi, simulque ardendissimis urebatur febribus, quibus nullum à Medicis reperiri poterat remedium. Accessit etiam elephantix morbus, ita vt in extremam desperationem inductus, identidè clamaret: Se uiuentem adhuc propter Mariam Deiparam igni inextinguibili esse traditum. Refert hoc Zonaras tomo 3. Annal. & Eutrop. lib. 22. in vita Copro-

Copronymi. In prato spirituali cap. 47. narratur accidisse sequens historia, Heliopoli, quæ est ciuitas Phœnicis. Mimus quidam erat Gaianus nomine, qui in Theatro Sanctam Dei genitricem blasphemans populo spectaculum blasphemix præbebat; Apparuit autem ei Sancta Dei genitrix corripiens eum ac dicens: Noli quæso, noli ita ledere animam tuam. Ille vero rursus deterius illam blasphemabat. Vnde ipsa tertio eidem apparens, eadem repetebat. Cum autem se ille non corrigeret, sed plus quoque blasphemias adijceret, meridie dormienti apparuit, nihilque dicens, digito solo signauit eius manus ac pedes. Euigilans autem inuenit se truncatum manibus & pedibus. Atque ita infœlix, ut truncus inutilis iacens, confitebatur omnibus, cuius rei gratia, & quomodo hoc passus esset. Similia multa diuinæ seueritatis exempla in Deiparæ contemptores, literarum monumentis consignata leguntur; ut non immerito qui nunc maledicas linguas in D. Virginem eiusque sodalita-

dalitates exerunt, similem exitum formidare possint; Et utinam formidarent; forsan formidine pœnæ consilia in melius referrent. Quia vero diligentibus Deum omnia cooperantur in bonum, fit, ut his ipsis obtrectionibus, & in sanctissimam Virginem conuitijs, Sodales Congregationis & alij Deiparæ cultores, magis ad laudem & gloriam eius amplificandam, & conseruandam incitentur, & nihil non prompte suscipiant, quod ad cultum Dei genitricis spectet; vitam illius Angelicam, & in nos miseros beneuolentiam plane maternam semper ob oculos habentes. *Fit autem, largiente Domino, inquit venerabilis Beda in Euangel. visit. ut si D. Virginis actus & dicta semper recolamus, semper in nobis & obseruantia castitatis, & virtutis opera perseuerent. Nam & optimus & saluberrimus in sancta Ecclesia mos inoleuit, ut hymnus ipsius quotidie cum psalmodia vespertina laudis ab omnibus canatur, quatenus ex hoc animos fidelium & frequen-*
tior

tior Dominicæ Incarnationis memo-
ria ad affectum deuotionis accendat,
& recogitata sæpius exempla genitri-
cis illius in virtutum solidi-
tate confirmet.



Laus Deo Virginiq; matri.



Errata sic corrige.

IN præfat. confirmasti. fol. 30. De-
sponsatione. fol. 54. post hæc verba:
Id quod iam olim etiam: lege, Fiebat.
fol. 57. somnis f. 58. Olymp. 194. f. 60.
citatio literæ B. referenda est ad Cõcil.
Ephesinum. f. 91. quod. f. 135. Corruis
pro dormis. ibid. protegente. f. 136. sto-
la. f. 138. Habentis, f. 144. persuadent.

*Cum Gratia & Priuilegio Cesar.
Maiestatis.*

